





18  
1687  
11

田代文相



詩宗西集卷十九

律詩 七言一百七十八首

隋宮

李商隱

紫泉宮殿鎖煙霞  
欲取蕪城作帝家  
玉璽不緣歸日  
角錦帆應是到天涯  
于今腐草無螢火  
終古垂楊有暮鴉  
地下若逢陳后主  
豈空重問後庭花

籌筆驛

魚鳥猶疑畏簡書  
風雲長為護儲胥  
徒令上將揮神  
筆終見降王走傳車  
管樂有才終不忝  
關張無命復何如  
他年錦里經祠廟  
梁甫吟成恨有餘

下唐



九成宮

十二層城閭苑西平時避暑拂虹霓雲隨夏后雙龍尾風逐周王八駿蹄吳岳曉光連翠巘甘泉晚景上丹梯荔枝盧橘沾恩澤鸞鵲天書溼紫泥

馬嵬

海外徒聞夏九州他生未卜此生休空聞虎旅鳴宵柝無復雞人報曉籌此日六軍同駐馬當時七夕笑牽牛如何四紀爲天子不及盧家有莫愁

茂陵

漢家天馬出蒲梢首蓓榴花遍近郊內苑只知銜鳳

觜屬車無復插雞翹玉桃偷得憐方朔金屋粧成貯阿嬌誰料蘇卿老歸國茂陵松柏雨瀟瀟

碧城

碧城十二曲闌干犀辟塵埃玉辟寒閨苑有書多附鶴女墻無樹不棲鸞星沉海底當牕見雨過河源隔坐看若是曉珠明又定一生長對水晶盤

促漏

促漏遙鐘動靜聞報章重疊杳難分舞鸞鏡匣收殘黛睡鴨香爐換夕熏歸去豈知還向月夢來何處更爲雲南塘漸暖蒲堪結兩兩鴛鴦護水紋



聞歌

斂笑凝眸意欲歌  
高雲不動碧嵯峨  
銅臺罷望歸何處  
玉輦忘來事幾多  
青塚路邊南鴈盡  
細腰宮裏北人過  
此聲腸斷非今日  
香燭燈光奈爾何

錦瑟

錦瑟無端五十絃  
一絃一柱思華年  
莊生曉夢迷蝴蝶  
望帝春心託杜鵑  
滄海月明珠有淚  
藍田日暖玉生烟  
此情可待成追憶  
祇是當時已惘然

寫意

燕鴈迢迢隔上林  
高秋望斷正長吟  
人間路有潼江

險天外山惟玉壘  
淡殘日花間雷返  
照片雲城上結層  
陰三年已制忠鄉  
淚更入新年恐不  
禁

哭劉蕡

上帝深居閉九閭  
巫咸不下問銜冤  
廣陵別後春濤隔  
溢浦書來秋雨翻  
只有安仁能作誄  
何曾宋玉解招魂  
平生風義兼師友  
不敢同君哭寢門

鄭州獻從叔舍人

蓬島煙霞閬苑鍾  
王官牋奏附金龍  
茅君奕世仙曹貴  
許掾全家道氣濃  
絳簡尚參黃紙案  
丹爐猶有紫泥封  
不知他日華陽洞  
許上經樓第幾重



無題

昨夜星辰昨夜風，畫樓西畔桂堂東。  
身無彩鳳雙飛翼，心有靈犀一點通。  
隔座送闌春酒暖，分曹射覆蠟

燈紅。嗟予聽鼓應官去，走馬蘭臺類轉蓬。  
來是空言去絕蹤，月斜樓上五更鐘。  
夢爲遠別啼難喚，書被催成墨未濃。  
蠟燭半籠金翡翠，麝香微度繡芙蓉。  
劉郎已恨蓬山遠，更隔蓬山一萬重。

颯颯東風細雨來，芙蓉塘外有輕雷。  
金蟾鬪鏤燒香入，玉虎牽絲汲井迴。  
賈氏窺簾韓掾少，宓妃留枕魏王才。  
春心莫共花爭發，一寸相思一寸灰。

相見時難別亦難，東風無力百花殘。  
春蠶到死絲方盡，蠟燭成灰淚始乾。  
曉鏡但愁雲鬢改，夜吟應覺月光寒。  
蓬山此去無多路，青鳥殷勤爲探看。

對雪

旋撲珠簾過粉牆，輕於柳絮重如霜。  
已隨江令誇瓊樹，又入盧家妒玉堂。  
侵夜可能爭桂魄，忍寒應欲試梅妝。  
關河凍合東西路，腸斷斑驄送陸郎。

井絡

井絡天彭一掌中，謾誇天設劔爲峯。  
陳圖東聚煙江口，邊柝西懸雪嶺松。  
堪嘆故君成杜宇，可能先主是



真龍將來為報奸雄輩莫向金牛放舊蹤

隋宮守歲

消息東郊木帝回宮中行樂有新梅沈香甲煎為庭  
燎玉液瓊酥作壽杯遙望露盤疑是月遠聞鼙鼓欲  
驚雷昭陽第一傾城色不踏金蓮不肯來

楚宮

月姊曾聞下彩蟾傾城消息隔重簾已聞佩響知腰  
細夏辨絃聲覺指纖暮雨自歸山悄悄秋河不動夜  
厭厭王昌早在墻東住未必金堂得免嫌

淡宮

金殿香銷閉綺籠玉壺傳點咽銅龍狂飆不惜蘿陰  
薄清露偏知桂葉濃斑竹嶺邊無限淚景陽宮裏及  
時鐘豈知為雨為雲意只有高唐十二峯

富平少侯

七國三邊未到憂十三身襲富平侯不收金彈拋林  
外却惜銀牀在井頭綵樹轉燈珠錯落綉檀回枕玉  
雕鏤當關莫報侵晨客新得佳人字莫愁

二月二日

二月二日江上行東風日暖聞吹笙花鬚柳眼各無  
賴紫蝶黃蜂俱有情萬里憶歸元亮井三年從事亞



夫營新春莫悞遊人意更作風檐夜雨聲

九日齊山登高

杜牧

江涵秋影鴈初飛與客携壺上翠微塵世難逢開口  
笑菊花須插滿頭歸但將醕酌酬佳節不用登臨怨  
落暉古往今來只如此牛山何必淚沾衣

題宣州開元寺水閣

六朝文物草連空天澹雲閑今古同鳥去鳥來山色  
裏人歌人哭水聲中淡秋簾幕千家雨落日樓臺一  
笛風惆悵無因見范蠡參差烟樹五湖東

題青雲館

虬蟠千仞劇羊腸天府由來百二強四皓有芝輕漢  
祖張儀無地與懷王帳連雲影蘿陰合枕繞泉聲客  
夢涼深處會容高尚者水苗三頃百株桑

西江懷古

上吞巴漢控瀟湘怒似連山淨鏡光魏帝縫囊真戲  
劇苻堅投筆更荒唐千秋釣舸歌明月萬里沙鷗弄  
夕陽范蠡清塵何寂寞好風惟屬往來商

齊安郡晚秋

柳岸風來影漸疎使君家似野人居雲容水態還堪  
賞嘯志歌懷亦自如雨暗殘燈碁散後酒醒孤館鴈



來初可憐赤壁爭雄渡惟有蓑翁坐釣魚

宣州送裴坦判官往舒州時牧欲歸京

日暖泥融雪半消行人芳草馬聲驕九華山路雲遮  
寺清弋江村柳拂橋君意如鴻高的的我心懸旆正  
搖搖同來不得同歸去故國逢春一寂寥

故洛陽城有感

一片宮牆當道危行人爲汝去遲遲  
羣圭苑裏秋風起平樂館前斜日時  
黨錮豈能留漢鼎清談空解識  
胡兒千燒萬戰坤靈死慘慘終年鳥雀悲

街西長句

碧池新漲浴嬌鴉分鎖長安富貴家  
遊客偶同人鬪酒名園相倚杏  
交花銀鞦騾裏嘶宛馬綉鞅瓊瓏走  
鈿車一曲將軍何處笛連雲芳樹日初斜

聞慶州趙縱使君與党項戰中箭身死

將軍獨乘鐵驄馬榆溪戰中金僕姑死綏却是古來  
有驕將自驚今日無青史文章爭點筆朱門歌舞笑  
捐軀誰知我亦輕生者不得君王丈二皮

長安雜題

雨晴九陌鋪江練嵐嫩千峯疊海濤南苑草芳眠錦  
雉夾城雲暖下霓旄少年羈絡青文玉遊女花簪紫



帶桃江碧柳淡人盡醉一瓢顏巷日空高  
洪河清渭天池濬太白終南地軸橫祥雲輝映漢宮  
紫春光繡畫秦川明草妒佳人鈿朶色風迴公子玉  
銜聲六飛南幸芙蓉苑十里飄香入夾城

登池州九華峯寄張祐

百感中來不自由角聲高起夕陽樓碧山終日思無  
盡芳草何年恨始休曉在眼前猶不見道非身外更  
何求何人得似張公子千首詩輕萬戶侯

正初奉酬

翠巖千尺倚溪斜曾得嚴光作釣家越瘴遠分丁字

水臘梅遲見二年花明時刀尺君須用幽處田園我  
有涯一壑風煙陽羨里解龜休去路非賒

殘春寄張祐

暖雲如粉草如茵獨步長堤不見人一嶺桃花紅錦  
靦半溪山水綠羅新高枝百舌猶欺鳥帶葉梨花獨  
送春仲蔚欲知何處在苦吟林下拂詩塵

寄唐州李尚書

累代功勳照世光奚胡聞道死心降攻書筆禿三千  
管領節門排十六雙先指耿弇聲籍籍今看黃霸事  
擬擬時人欲識曾襟否彭蠡秋連萬頃江



奉送中丞姊夫儔自大理卿出鎮江西

檣似鄧林江拍天越香巴錦萬千千滕王閣上柘枝  
鼓徐孺亭前鐵軸船八郡元侯非不貴萬人師長豈  
無權要君嚴重疎歡樂猶有河湟未下鞭

凌敲臺

許渾

宋祖凌敲樂未回三千歌舞宿層臺湘潭雲盡暮山  
出巴蜀雪消春水來行殿有基荒薜合寢園無主野  
棠開百年僂作萬年計巖畔古碑空綠苔

咸陽城西門晚眺

一上高城萬里愁蒹葭楊柳似汀洲溪雲初起日沉

閣山雨欲來風滿樓鳥下綠蕪秦苑夕蟬鳴黃葉漢  
宮秋行人莫問當年事故國東來渭水流

登故洛陽城

禾黍離離半野蒿昔人城此豈知勞水聲東去市朝  
變山勢北來宮殿高鴉噪暮雲歸古堞鴈迷寒雨下  
空壕可憐綏嶺登仙子猶自吹笙醉碧桃

金陵懷古

玉樹歌殘王氣終景陽兵合成樓空楸梧遠近千官  
塚禾黍高低六代宮石燕拂雲晴亦雨江豚吹浪夜  
還風英雄一去豪華盡惟有青山似洛中



姑蘇懷古

宮館餘基倚棹過  
黍苗無限獨悲歌  
荒臺糜鹿爭新草  
空苑鳧鷖占淺莎  
吳岫雨來虛檻冷  
楚江風急遠帆多  
可憐國破忠臣死  
日日東流生白波

途經驪山

聞說先皇醉碧桃  
日華浮動鬱金袍  
風隨玉輦笙歌迴  
雲捲珠簾劍佩高  
鳳駕北歸山寂寂  
龍輿西幸水滔滔  
蛾眉歿後巡遊少  
瓦落空牆見野蒿

乘月棹舟送大曆寺靈聰上人不及

萬峯秋盡百泉清  
舊鎖禪扉在赤城  
楓浦客來烟未

散竹窓僧去月猶明  
杯浮野渡魚龍遠  
錫響空山虎豹驚  
一字不留何足訝  
白雲無路水無情

晚自朝臺至韋隱君郊園

秋來鳧鴈下方塘  
繫馬朝臺步夕陽  
村逕遶山松葉暗  
柴門臨水稻花香  
雲連海氣琴書潤  
風帶潮聲枕簟涼  
西去磻溪猶萬里  
可能垂白待文王

村舍

尚平多累自歸難  
一日身閑一日安  
山徑晚雲收獵網  
水門涼月挂漁竿  
花間酒氣春風遠  
竹裏碁聲夜雨寒  
三頃水田秋夏熟  
北窓誰拂舊塵冠



言宗 方西集  
自剪青蓑織雨衣邨南烟火是柴扉糟妻早報蒸藜  
熟童子遙迎種豆歸魚下碧潭當鏡躍鳥還青嶂拂  
屏飛花時未免人來往欲買嚴光舊釣磯

臥疾

寒牕燈盡月斜輝珮馬朝天獨掩扉清露已凋秦甸  
柳白雲空長越山薇病中送客難為別夢裏還家不  
當歸唯有寄書書未得臥聞燕鴈向南飛

晨起白雲樓寄龍興江準上人兼呈寶秀才

茲樓今是望鄉臺鄉信全稀曉鴈哀山翠萬重當檻  
出水光千里抱城來東巖月在僧初定南浦花殘客

未回欲弔靈均能賦否秋風還有木蘭開

贈茅山高拾遺○或作李商隱詩

諫獵歸來綺季歌大茅峯影薄秋波山齋畱客掃紅  
葉野徑送僧披綠莎長覆舊圖棋勢盡徧添新品藥  
名多雲中鴻鵠日千里自宿自飛無網羅

罷南康主人燕餞至頻暮宿東谿

晴灘水落漲虛沙此去秦吳萬里賒馬上折殘江北  
柳舟中開盡嶺南花離歌不斷如畱客歸夢初驚似  
到家山鳥一聲人未起半牀春月在天涯

題靈山寺行堅師院



西巖一逕不通樵八十持杯未覺遙龍臥石潭聞夜  
雨鴈移沙渚見秋潮經函露濕文多暗香印風吹字  
半銷應笑東歸又南去越山無路水迢迢

重遊飛泉觀題梁道士宿龍池

西巖泉落水容寬靈物蜿蜒黑處蟠松葉正秋琴韻  
響菱花初曉鏡光寒雲開星月浮山殿雨過風雷繞  
石壇仙客不歸龍亦去稻畦長滿此池乾

朝臺送客

趙佗西拜已登壇馬援南征土宇寬越國舊無唐印  
綬蠻鄉今有漢衣冠江雲帶日秋偏熱海雨隨風夏

亦寒嶺北歸人莫回首蓼花楓葉萬重灘

元正

高揭雞竿闕帝闈祥風微暖瑞雲屯千官共削姦臣  
迹萬國初銜聖主恩宮殿雪華齊紫閣關河春色到  
青門華夷一軌人方泰莫學論兵誤至尊

京口閑居寄兩都親友

吳門烟月昔同遊楓葉蘆花並客舟聚散有期雲北  
去浮沉無計水東流一尊酒盡青山暮千里書迴碧  
樹秋何處相思不相見鳳城宮闕楚江樓

題崔處士山莊



坐窮今古揜書堂二頃湖田一半荒  
荆樹有花兄弟樂橘林無實子孫忙  
龍歸曉洞雲猶溼麝過春山草自香  
向夜欲歸心萬里故園松月夏蒼蒼

經故丁補闕山居

死酬知己道終全波暖孤冰且自堅  
鵬上承塵纔一日鶴歸華表已千年  
風吹藥蔓迷樵徑水暗蘆花失釣船  
四尺孤墳何處是闔閭城外草連天

題四皓廟

桂香松暖廟門開獨瀉椒漿奠一杯  
秦法未興鴻已去漢儲將廢鳳還來  
紫芝翳翳多青草白石蒼蒼半

綠苔山下驛塵南竄路不知冠蓋幾人迴

八月十五夜宿鶴林寺翫月

待月東林月正圓廣庭無樹草無煙  
中秋雲淨出滄海半夜霜寒當碧天  
輪影漸移金殿外鏡光猶挂畫樓前  
莫辭達曙殷勤望一墮西巖又隔年

贈王山人

貰酒携琴訪我頻始知城市有閒人  
君臣藥在寧憂病子母錢成豈患貧  
年長每勞推甲子夜寒初共守庚申  
近來聞說燒丹處玉洞桃花萬樹春

嘗與故宋補闕秋夕遊練湖南亭今復登賞愴



然有感

西風渺渺月連天同醉蘭舟未十年  
鵬鳥賦成人已歿嘉魚詩在世  
空傳榮枯盡寄浮雲外哀樂猶驚逝  
水前日暮長隄更回首一聲鄰笛舊山川

送蕭處士歸緩山別業

醉斜烏帽髮如絲曾見僊人一局碁  
賓館有魚爲客久鄉書無鴈到家遲  
緩山住近吹笙廟湘水行逢鼓瑟祠  
今夜月明何處宿九疑雲盡碧參差

登尉佗樓

劉項持兵鹿未窮自乘黃屋島夷中  
南來作尉任囂

力北嚮稱臣陸賈功簫鼓尚陳今世廟  
旌旗猶鎮昔時宮越人未必知虞舜  
一奏南薰萬古風

贈蕭兵曹

廣陵堤上昔離居帆轉瀟湘萬里餘  
楚澤病時無鵬鳥越鄉歸去有鱸魚  
潮生水國蒹葭響雨過山城橘柚疎  
閒說攜琴兼載酒邑人爭識馬相如

晚自東郭畱一二遊侶

鄉心迢遞宦情微吏散尋幽竟落暉  
林下草腥巢鷺宿洞前雲溼雨龍歸  
鐘隨野艇回孤櫂鼓絕山城掩半扉  
今夜西齋好風月一瓢春酒莫相違



傷虞將軍

自昔從軍未有名近將孤劍到江城  
巴童戍久能蕃語胡馬調多解漢行  
對月夜窮黃石略望雲秋計黑  
山程可憐身死家猶遠汴水東流無哭聲

凌敲臺送韋秀才

雲起高臺日未沈數村殘照半山陰  
野蠶成繭桑柘盡溪鳥引雛蒲稗淡帆勢依依  
投極浦鐘聲杳杳隔前林  
故鄉迢遞故人去一夜月明千里心

懷舊居

兵書一篋老無功故國荆扉在夢中  
藤蔓覆梨張谷

暗草芄侵菊庾園空朱門迹忝登龍客  
白屋心期失馬翁楚水吳山何處是  
北牕殘月照屏風

李宣自殿院御命歸闕拜員外郎

白筆南征變二毛越山愁瘴海驚濤  
纔居龍尾含雞舌夏立螭頭運兔毫  
閭闔欲開夏漏盡冕旒初坐御香高  
金吾舊侶君先貴曾憶王祥與佩刀

秋晚雲陽驛西亭蓮池

心憶蓮塘秉燭遊葉殘花敗尚維舟  
煙開翠扇清風曉水泛紅衣  
白露秋神女暫來雲易散  
仙娥終去月難留空懷遠道無持贈  
醉倚西欄盡日愁



和友人鴛鴦

崔珏

翠鬢紅衣舞夕暉  
水禽情似此禽稀  
鴈分煙島猶回首  
只度寒塘亦共飛  
映霧盡迷朱殿瓦  
逐梭齊上玉人機  
采蓮無限蘭橈女  
笑指中流羨爾歸

岳陽樓晚望

乾坤千里水雲間  
釣艇如萍去復還  
樓上北風斜捲席  
湖中西日倒銜山  
懷沙有恨騷人往  
鼓瑟無師帝子閒  
何事黃昏尚凝睇  
數行烟樹接荆蠻

聽話叢臺

李遠

有客新從趙地回  
自言曾上古叢臺  
雲遮襄國天邊

去樹繞漳河地裏來  
絃管變成山鳥弄  
綺羅畱作野花開  
金輿玉輦無行跡  
風雨唯知長綠苔

失鶴○或作項斯詩

秋風吹却九臯禽  
一片閒雲萬里心  
碧落有情空悵望  
瑤臺無路可追尋  
來時白雪翎猶短  
去日丹砂頂漸淡  
華表柱頭留語後  
更無消息到如今

贈寫御容李長史

寶座烟消硯水清  
龍髯不動彩毫輕  
初分隆準山河秀  
乍點重瞳日月明  
宮女捲簾皆暗認  
侍臣開殿盡遙驚  
六朝供奉無人敵  
始覺僧繇浪得名



吳越懷古

吳越千年奈怨何  
兩宮清吹作樵歌  
姑蘇一敗雲無色  
萬里長游水自波  
雲拂故城疑轉旆  
月依荒樹想嘯蛾  
行人欲問西施館  
江島寒飛碧草多

晴詩

雍陶

晚虹斜日塞天昏  
一半山川帶雨痕  
新水亂侵青草路  
殘煙猶傍綠楊村  
胡人羊馬休南牧  
漢將旌旗在北門  
行子喜聞無戰伐  
閒看遊騎獵秋原

詠雙白鷺

雙鷺應憐水滿池  
風飄不動頂絲垂  
立當青草人先見  
行傍白蓮魚未知  
一足獨拳寒雨裏  
數聲相叫早秋時  
林塘得爾須增價  
况是詩家物色宜

秋居病中

幽居悄悄何人到  
落日清涼滿樹梢  
新句有時愁裏得  
古方無效病來拋  
荒簷數蝶懸蛛網  
空屋孤螢入燕巢  
獨臥南窗秋色晚  
一庭紅葉掩衡茅

三年冬大禮

曹唐

皇帝齋心潔素誠  
自朝眞祖報升平  
華山秋草多歸馬  
滄海寒波絕洗兵  
銀箭水殘河影斷  
玉爐烟盡月華生  
千官整肅三天夜  
劔珮初聞入太清



詩宗 卷之四  
太乙天壇降大君屬車龍鶴夜成羣春浮玉藻寒初  
落露拂金莖曙欲分三代樂回風入律四溟歌駐水  
成文千官不動旌旗下日照南山萬樹雲

漢武帝於宮中燕西王母

鼇岫雲低太乙壇武皇齋潔不勝歡長生碧字期親  
署延壽丹泉許細看劔佩有聲宮樹靜星河無影禁  
花寒秋風裊裊月朗朗玉女清歌一夜闌

萼綠華將歸九疑畱別許真人

九點秋煙黛色空綠華歸思頗無窮每悲馭鶴身難  
住長恨臨霞語未終河影暗吹雲夢月花聲閒落洞

庭風藍絲重勒金條脫畱與人間許侍中

羽林賈中丞

四十年前百戰身曾驅虎隊掃邊塵風悲鼓角榆關  
暮日暖旌旗隴草春鐵馬慣牽邀上客金魚多解乞  
佳人曾中別有安邊策誰采髭鬚白似銀

贈南嶽馮處士

白石溪邊自結廬風泉滿院稱幽居鳥啼溪樹斷靈  
藥花落閑窓看道書煙嵐晚過鹿裘溼水月夜明山  
舍虛支頤冷笑緣名出終日王門強曳裾  
寂寥深木閉烟霞洞裏相知有幾家笑着潭魚吹水



沫醉噴溪鹿喫蕉花穿廚歷歷泉聲細遶屋悠悠樹  
影斜夜靜着灰封釜竈自添文武養丹砂

送康祭酒赴輪臺

灞水橋邊酒一杯送君千里赴輪臺霜黏海眼旗聲  
凍風射犀文甲縫開斷磧簇煙山似米野營軒地鼓  
如雷分明會得將軍意不斬樓蘭不擬回

長安春舍敘邵陵舊宴懷永門蕭使君

木魚金鑰鎖重城夜上紅樓縱酒情竹箭水繁夏漏  
促桐花風軟管絃清百分散打銀船溢十指寬催玉  
筋輕星斗漸稀賓客散碧雲猶戀豔歌聲

病馬呈鄭校書

不剪焦毛鬣半翻何人別是古龍孫風吹病骨無驕  
氣土蝕蔥花見臥痕未噴斷雲歸漢苑曾追輕練過  
吳門一朝千里心猶在爭肯潛忘餽飼恩

勗劍

古物神光雪見羞未能擎出恐泉流暗臨黑水蛟螭  
泣潛倚空山鬼魅愁生怕雷霆號澗底長聞風雨在  
床頭垂情不用將糜氣惱亂司空犯斗牛

題子姪書院雙松

自種雙松費幾錢頓令院落似秋天能藏此地新晴



雨却惹空山舊晚烟枝壓細風過枕上影籠殘月到  
窻前莫教取次成閑夢使汝悠悠十八年

訪遇真觀趙尊師不遇

姚鵠

羽客朝元晝掩扉林中一逕雪中微松陰繞院鶴相  
對山色滿樓人未歸盡日獨思風馭返寥天幾望野  
雲飛憑高目斷無消息自醉自吟愁落暉

送賀知章入道

若非堯運及垂衣肯許巢由脫俗機太液始同黃鶴  
下仙鄉已駕白雲歸還披舊褐辭金殿却捧玄珠向  
翠微羈束慚無仙藥分隨車空有夢魂飛

將歸蜀畱獻恩地僕射

自持衡鏡採幽沉此事常聞曠古今危葉只將終委  
地焦桐誰料却爲琴蒿萊詎報生成德犬馬空懷感  
戀心明日還家盈眼血定應迴首卽沾襟

送靈州田尚書

薛逢

陰風獵獵滿旌竿白草颼颼劔戟攢九姓羌渾隨漢  
節六州蕃落從戎鞍霜中入塞珣弓響月下翻營玉  
帳寒今日路旁誰不指穰苴門戶慣登壇

開元後樂

莫奏開元舊樂章樂中歌曲斷人腸邠王玉笛三更



詩宗 卷四  
咽號國金車十里香一自戎生薊北復從征戰老  
汾陽中原駿馬搜求盡沙苑年來草又芳

長安春日

窮途日日困泥沙上苑年年好物華荆棘不當車馬  
道管絃長奏綺羅家王孫草上悠揚蝶少女風前爛  
漫花懶出任從遊子笑入門還是舊生涯

韋壽傳書齋

玄晏先生已白頭不隨鸛鷺狎羣鷗元卿謝免開三  
徑平仲朝歸臥一裘醉後獨知殷甲子病來猶作晉  
春秋塵纓未濯今如此野水無情處處流

潼關河亭

重岡如抱嶽如蹲氣蹙秦川勢自尊天地併功開帝  
宅山河相湊束龍門櫓聲嘔軋中流渡柳色微茫遠  
岸村滿眼波濤終古事年來惆悵與誰論

送衢州崔員外

笑分銅虎別京師嶺下山川想到時紅樹暗藏殷浩  
宅綠蘿深覆偃王祠風茅向煖抽書帶露竹迎風舞  
釣絲休指巖西數歸日知君已負白雲期

六街塵

六街塵起鼓鼙馬足車輪在處通百役並驅衣食



內四民長走路歧中年光與物隨流水世事如花落  
曉風名利到身無了日不知今古旋成空

潼關驛亭

河上關門日日開古今名利旋堪哀終軍壯節埋黃  
土揚震豐碑翳綠苔寸祿應知需有分一官常懼處  
非才猶驚往歲同袍者尚逐江東計吏來

五峯隱者

煙霞壁立水溶溶路轉崖回旦暮中鷓鴣畏人沉澗  
月山羊投石挂巖松高齋既許陪雲宿晚稻何妨爲  
客春今日見君嘉遯處悔將名利役疎慵

貧女吟

殘收滿面淚闌干幾許幽情欲話難雲髻懶梳愁折  
鳳翠蛾羞照恐驚鸞南隣送女初鳴佩北里迎妻已  
夢蘭唯有淡閨憔悴質年年長凭繡牀看

夜宴觀妓

燈火熒煌醉客豪捲簾羅綺豔仙桃纖腰怕束金蟬  
斷鬢髮空簪白燕高愁傷翠蛾深八字笑迴丹臉利  
雙刀無因得薦陽臺夢願拂餘香到緹袍

長安晚秋

趙嘏

雲物淒涼拂曙流漢家宮闕動高秋殘星幾點鴈橫



塞長笛一聲人倚樓紫豔半開籬菊淨紅衣落盡渚  
蓮愁鱸魚正美不歸去空戴南冠學楚囚

東望

楚江橫在草堂前楊柳洲邊載酒船兩見梨花歸不  
得每逢寒食一潸然斜陽映閣山當寺微綠含風樹  
滿川同郡故人攀桂盡把詩吟向次寥天

早發剡中石城寺

暫息勞生樹色間平明幾慮又相關吟辭宿處烟霞  
去心負秋來水石間竹戶半開鐘未絕松枝靜處鶴  
初還明朝一倍堪惆悵回首塵中見此山

長安月夜與友人話故山

宅邊秋水浸苔磯日日持竿去不歸楊柳風多潮未  
落蒹葭霜冷鴈初飛重嘶匹馬吟紅葉却聽疎鐘憶  
翠微今夜秦城滿樓月故人相見一沾衣

寒食遣懷○一云憶山陽

折柳城邊起暮愁可憐春色獨懷憂傷心正歎人間  
事回首更慙江上鷗鷓鴣聲中寒食雨芙蓉花外夕  
陽樓憑高滿眼送清渭去倚故山山下流

始聞秋風

昔看黃菊與君別今聽玄蟬我獨迴五夜飈飈枕前



覺一年顏狀鏡中來馬忠邊草拳毛動鷓鴣青雲睡  
眼開天地肅清堪四望爲君扶病上高臺

鍾陵道中

陳陶

原隰經霜蕙草黃寒鴻消息怨流芳秋山落照見麋  
鹿南國異花開雪霜煙火近通盤瓠俗水雲淡入武  
陵鄉曾逢鬻鼓話東海長憶蘭家青玉床

漢南春望

薛能

獨尋春色上高臺三月皇州駕未迴幾處松筠燒後  
死誰家桃李亂中開姦邪用法元非法唱和求才不  
是才自古浮雲蔽白日洗天風雨幾時來

獻僕射相公

清如冰玉重如山百辟嚴趨禮絕攀強虜外聞應破  
膽平人長見盡開顏朝廷有道青春好門館無私白  
日閑致却垂衣更何事幾多詩句詠關關

送宮人入道

項斯

願隨仙女董雙成王母前頭結伴行初戴玉冠多誤  
拜欲辭金殿別稱名將敲碧落新齋磬却進昭陽舊  
賜箏日暮焚香遶壇上步虛猶作按歌聲

宿山寺

栗葉重重覆翠微黃昏溪上語人稀月明古寺客初



到風度閑門僧未歸山果經霜多自落水螢穿竹不停飛中宵能得幾時睡又被鐘聲催着衣

遊東湖黃處士園林

劉威

偶向東湖更向東數聲雞犬翠微中遙知楊柳是門處似隔芙蓉無路通樵客出來山帶雨漁舟過去水生風物情多與閒相稱所恨求安計不同

蘇武廟

溫庭筠

蘇武竟銷漢史前古祠高樹兩茫然雲邊鴈斷胡天月隴上羊歸塞草煙迴日樓臺非甲帳去時冠劍是丁年茂陵不見封侯印空向秋波哭逝川

休澣日謁西掖所知因成長句

赤墀高閣自從容玉女窻扉報曙鍾日麗九華青瑣闥雨晴雙闕翠微峯毫端蕙露滋僊草琴上薰風入禁松荀令鳳池春晚晚好將餘潤變魚龍

河中陪節度遊河亭

倚闌愁立獨徘徊欲賦慚非宋玉才滿座山光搖劍戟遶城波色動樓臺鳥飛天外斜陽盡人過橋邊倒影來添得五湖多少恨柳花飄蕩似寒梅

開聖寺

路分磧石夾烟藜十里蕭蕭古樹風出寺馬嘶秋色



裏向陵鴉亂夕陽中竹間泉落山廚靜塔下僧歸殿  
影空猶有南朝舊碑在恥將興廢問休公

題陳琳墓

曾於青史見遺文今日飄零過古墳詞客有靈應識  
我霸才無主始憐君石麟埋沒藏秋草銅雀荒涼對  
暮雲莫怪臨風倍惆悵欲將書劔學從軍

柳

楊柳千條拂面絲綠煙金穗不勝吹香隨靜婉歌塵  
起影伴嬌嬈舞袖垂羌笛一聲何處曲流鶯百轉最  
高枝千門九陌花如雪飛過宮牆兩自知

春日訪李十四處士

花深橋轉水潺潺冉里先生自閉關看竹已知行處  
好望雲真得暫時閒誰言有策堪經世只是無錢教  
買山一局殘碁千點雨綠萍池上暮方還

遊南塘寄知者

白鳥梳翎立岸莎藻花菱刺泛微波烟光似帶侵垂  
柳露滴如珠落卷荷楚水曉涼催客早杜陵秋思傷  
蟬多鐺公不信歸心切聽取江樓一曲歌

寒食前有懷

萬物繁華雨乍晴春寒寂歷近清明殘芳荏苒雙飛



蝶曉睡朦朧百轉鶯舊侶不歸成獨酌故園雖在有  
誰畊悠然更起嚴灘恨一宿東風蕙草生

宿雲際寺

白蓋微雲一徑淡東風弟子遠相尋蒼苔路熟僧歸  
寺紅葉聲乾鹿在林高閣清香生靜境夜堂疎磬發  
禪心自從紫桂巖前別不見南能直到今

寄岳州李員外

含嚔不語坐持頤天遠樓高宋玉悲湖上殘碁人散  
後岳陽微雨鳥歸時早梅猶得迴歌扇春水還應理  
釣絲獨爲袁宏易憔悴一樽惆悵落花知

春日野步

日西塘水金堤斜百草芊芊暗吐芽野岸明媚山芍  
藥水田叫噪官蝦蟆鏡中有浪動菱蔓陌上無風吹  
柳花何事輕撓向溪客綠萍方好不歸家

和道溪君別業

積潤初消碧草新鳳陽晴日帶離輪絲飄弱柳平橋  
晚雪點寒梅小院春屏上樓臺陳後主鏡中珠翠李  
夫人花房露透紅珠落蛺蝶雙雙護粉塵

老君廟

紫氣氤氳捧半巖蓮峯仙掌共巉巖廟前晚色連寒



水天外斜陽帶遠帆百二關山扶玉座五千文字闕  
瑤緘自憐金骨無人識知有飛龜在石函

樂遊原春望

李 頎

五陵佳氣晚氤氳霸業雄圖勢自分秦地山河連紫  
塞漢家宮殿入青雲未央樹色春中見長樂鐘聲月  
下聞無那楊花起愁思滿天飄落雪紛紛

湘中送友人

中流欲暮見湘煙岸葦無窮接楚天去鴈遠衝雲夢  
雪離人獨上洞庭船風波盡日依山轉星漢通宵向  
水連零落梅花過殘臘故園歸去又新年

黃陵廟

李羣玉

小姑洲北浦雲邊二女明粧共儼然野廟向江春寂  
寂古碑無字草芊芊東風近暮吹芳芷落日溪山哭  
杜鵑猶似含嚔望巡狩九疑如黛隔湘川

秣陵懷古

野花黃葉舊吳宮六代豪華燭散風龍虎勢衰佳氣  
歇鳳凰名在故臺空市朝遷變秋蕪綠墳塚高低落  
照紅霸業鼎圖人去盡獨來惆悵水雲中

湖寺清明夜遣懷

柳暗花香愁不眠獨凭危檻悽然野雲將雨度微



月沙鳥帶聲飛遠天久向饑寒拋弟妹每因時節憶  
團圓餽餐冷酒明年在未定萍蓬何處邊

贈羽林將軍

李 郢

虬鬚憔悴羽林郎曾入甘泉侍武皇鵬沒夜雲知御  
苑馬隨仙仗識天香五湖歸去孤舟月六國平來兩  
鬢霜唯有桓伊江上笛臥吹三弄送殘陽

送人之嶺南

關山迢遞古交州歲晏憐君走馬遊謝氏海邊逢素  
女越王潭上見青牛嵩臺月照啼猿曙石室烟含古  
桂秋迴望長安五千里刺桐花下莫淹留

江亭春霽

江籬漠漠荇田田江上雲亭霽景鮮蜀客帆檣背歸  
燕楚山花木怨啼鶉春風掩映千門柳曉色淒涼萬  
井煙金磬泠泠水南寺上方僧室翠微連

早秋書懷

高梧一葉墜涼天宋玉悲秋淚灑然霜拂楚山頻見  
菊雨零溪樹忽無蟬虛村暮角催殘日近寺歸僧寄  
野泉青鬢已緣多病鑷可堪風景促流年

送劉谷

村橋西路雪初晴雲暖沙乾馬足輕寒澗渡頭芳草



詩宗 卷四  
色新梅嶺上鷓鴣聲郵亭已送征車發山館誰將候  
火迎落日千峯轉迢遞知君回首望高城

上裴晉國公

四朝憂國鬢成絲龍馬精神海鶴姿天上玉書傳詔  
夜陣前金甲受降時曾經庾亮三秋月下盡羊曇一  
局碁惆悵舊堂扃綠野夕陽無限鳥飛遲

暮春山行田家歌馬

雨濕菰蒲斜日明茅廚煮蠶掉車聲青蛇上竹一種  
色黃蝶隔溪無限情何處漁樵將遠餉故園田土憶  
春耕千峯靄靄水滴滴羸馬此中愁獨行

江亭秋霽○律髓作趙嘏詩

碧天涼冷鴈來疎閒看江雲患有餘秋館池亭荷葉  
後野人籬落荳花初無愁自得仙翁術多病能忘太  
史書聞說故園香稻熟片帆歸去就鱸魚

曉過伊水寄龍門僧

司馬禮

龍門樹色暗蒼蒼伊水東流客恨長病馬獨嘶殘夜  
月行人欲渡滿船霜幾家烟火依村步何處漁歌似  
故鄉山下禪庵老師在願將形役問空王

雪

杜荀鶴

風攬長空寒骨生先於曉色報窓明江湖不見飛禽



影巖谷唯聞折竹聲溝壑本深無復滿路歧兼得一  
般平擁袍公子莫言冷中有樵夫跣足行

秋宿臨江驛

南來北去二三年去年來兩鬢斑舉世盡從愁裏  
老誰人肯向死前閒漁舟火影寒歸浦驛路鈴聲夜  
過山身事未成歸未得聽猿鞭馬入長關

碧潯宴上有懷知己

曹鄴

荻花蘆葉滿溪流一簇笙歌在水樓金管曲長人盡  
醉玉簪恩重獨生愁女蘿力弱難逢地桐樹心孤易  
感秋莫怪當歡却惆悵全家欲上五湖舟

題濮廟

曉祭瑤齋夜叩鐘鼇頭風起浪重重人間直有仙桃  
種海上應無肉馬蹤赤水夢沉迷象罔翠華恩斷泣  
芙蓉不知皇帝三宮駐始向人間着袞龍

咸陽懷古

劉滄

經過此地無窮事一望淒然感廢興渭水故都秦二  
世咸陽秋草漢諸陵天空絕塞聞邊鴈葉盡孤村見  
夜燈風景蒼蒼多少恨寒山半出白雲層

鄴都懷古

昔時霸業何蕭索古木唯多鳥雀聲芳草自生宮殿



處牧童誰識帝王城殘春楊柳長川迴落日兼葭遠  
水平一望青山便惆悵西陵無主月空明

長洲懷古

野燒空原盡荻灰吳王此地有樓臺千年事往人何  
在半夜月明潮自來白鳥影從江樹沒清猿聲入楚  
雲哀停車日晚薦蘋藻風靜寒塘花正開

題王校書山齋

猿鳥無聲書掩扉寒原隔水到人稀雲晴古木月初  
上雪滿空庭鶴未歸藥圃地連山色近樵家路入樹  
煙微棲遲慣得滄浪思芸閣還應夢釣磯

寓居寄友人

雨餘虛館竹陰清獨坐書窻軫旅情芳草衡門無馬  
跡古槐深巷有蟬聲夕陽雲盡嵩峯出遠岸烟銷洛  
水平入夜南原賞佳景月高風定苦吟生

經煬帝行宮

此地曾經翠輦過浮雲流水竟如何香銷南國美人  
盡怨入東風芳草多殘柳宮前空露葉夕陽江上浩  
煙波行人遙起廣陵思古渡月明聞棹歌

與僧話舊

巾舄同時下翠微舊遊因話事多違南朝古寺幾僧



在西嶺空林惟鳥歸  
莎逕晚烟凝竹塢  
石池春色染苔衣  
此來相見又相別  
卽是關河朔鴈飛

旅館書懷

忽看庭樹換風煙  
兄弟飄零寄海邊  
客計倦行分陝路  
家貧休種汶陽田  
雲低遠塞鳴寒鴈  
雨歇空山噪暮蟬  
落葉蟲絲滿窻戶  
秋堂獨坐思悠然

宿題金山寺

一點青山翠色危  
雲巖不掩與星期  
海門煙樹潮歸後  
江面山樓月照時  
獨鶴唳空秋露下  
高僧入定夜猿知  
蕭疎水木清鐘梵  
灑氣寒光動石池

同皮襲美訪寂上人

陸龜蒙

月樓風殿靜沉沉  
披拂霜華訪道林  
鳥在寒枝栖影動  
人依古堞坐禪深  
明時尚阻青雲步  
半夜猶追白石吟  
自是海邊鷗伴侶  
不勞金偈更降心

和皮日休酬茅山廣文○一曰江南道中

一片輕帆背夕陽  
望三峯拜七真堂  
天寒夜漱雲芽淨  
雪壞晴梳石髮香  
自拂烟霞安筆格  
獨開封檢試砂床  
莫言洞府能招隱  
會輟飄輪見玉皇

憶白菊

我憐貞白重寒芳  
前後藜生夾小堂  
月朶併開無絕



言宗 卷之四集  
豔風莖時動有奇香何慙謝雪中情詠不羨劉梅貴  
色粧更憶幽窓凝一夢夜來村落有微霜

別墅懷歸

水國初冬和暖天南榮方好昔陽眠題詩朝憶復暮  
憶見月上弦還下弦遙爲晚花吟白菊近炊香稻識  
紅蓮何人壽我黃金百買取蘇君負郭田

奉和襲美悼鶴

一夜圓吭絕不鳴八公虛道得千齡方添上客雲眠  
思忽伴中仙劍解形但掩傷毛穿古堞永畱寒影在  
空屏君才幸自清如水更向芝田爲刻銘

闔閭城北有賣花翁討春之士往往造焉因招  
日休

古城邊有賣花翁水曲舟輕去盡通十畝芳菲爲舊  
業一家烟雨是元功閑添藥品年年別笑指生涯樹  
樹紅若要見春歸處所不過携手問東風

次韻日休見寄

共尋花思極飛騰病帶春寒去未能煙徑水涯多好  
鳥竹牀蒲椅但高僧須知日富爲神授祇有家貧免  
盜憎除却數函圖籍外更將何事結良朋

奉和病後春思



言  
氣和靈府漸氤氳酒有賢人藥有君七字篇章看月  
得百勞言語傍花間聞尋古寺銷晴日最憶溪枕  
夜雲早晚共搖孤艇去紫屏風外碧波文

看壓新醅寄懷襲美

曉壓糟床漸有聲旋如荒澗野泉聲身前古態醺應  
出世上愁痕滴合平飲啄斷年同鶴儉風波終日看  
人爭樽中若使常能綠兩綬通侯總強名

奉和夏景無事因懷章來二上人

檐外青楊有二梅折來堪下凍膠杯高杉自欲生龍  
腦小弁誰能寄鹿胎麗事肯教饒沈謝微談何必減

宗雷還聞擬結東林社爭奈淵明醉不來

奉和寄楊舍人

明時非罪謫何偏鵬鳥巢南夏數千酒滿椰杯消毒  
霧風隨蕉葉下瀧船人多藥戶生狂蠹吏有珠官出  
俸錢祇以直誠天自信不勞詩句咏貪泉

和張處士詩

勝華通子共悲辛荒徑今爲舊宅鄰一代交遊非不  
貴五湖風月合教貧竟應絕地爲才鬼名與遺編在  
史臣聞道平生偏愛石至今猶泣洞庭人

旅次洋州寓居郝氏林亭

方干



舉目縱然非我有，思量似在故山時。  
鶴盤遠勢投孤嶼，蟬曳殘聲過別枝。  
涼月照牕敲枕倦，澄泉遶石泛觴遲。  
青雲未得平行去，夢到江南身旅羈。

龍泉寺絕頂

未明先見海底日，良久遠雞才報晨。  
古樹含風常帶雨，寒巖四月始知春。  
中天氣爽星河近，下界時豐雷雨均。  
前後登臨思無盡，年年改換往來人。

山中書事

敲枕亦吟行亦醉，臥唸行醉更何營。  
貧來猶有故琴在，老去不過新髮生。  
山鳥踏枝紅果落，家童引釣白

魚驚潛夫自有孤雲侶，可要王侯知姓名。

贈道士

褚戴

簪星曳月下蓬壺，曾見東臯種白榆。  
六甲威靈藏瑞檢，五龍雷雨繞霜都。  
唯教鶴揆丹丘信，不使人窺太乙爐。  
聞說葛陂風浪惡，許騎青鹿從行無。

潁州客舍

姚揆

素琴孤劍尚閒遊，誰共芳樽話唱酬。  
鄉夢有時生枕上，客情終日在眉頭。  
雲拖雨腳連天去，樹夾河聲遶郡流。  
回首帝京歸未得，不堪吟倚夕陽樓。



詩宗西集卷十九

詩宗西集卷二十

律詩 七言二百六首

題潼關蘭若

皮日休

潼津罷警有招提  
近百年無戰馬嘶  
壯士不言三尺劍  
謀臣休道一丸泥  
昔時馳道洪波上  
今日宸居紫氣西  
關吏不勞重借問  
棄繻生擬入耶溪

館娃宮

豔骨已成蘭麝土  
宮牆依舊壓層崖  
弩臺雨壞逢金鏃  
香逕泥消露玉釵  
硯沼只留山鳥浴  
屨廊空信野花埋  
姑蘇麋鹿真閒事  
須為當時一愴懷



聞魯望遊顏家園林病中有寄

一夜韶姿着水光  
謝家春草滿池塘  
細挑泉眼尋新脈  
輕把花枝換宿香  
蝶欲試飛猶護粉  
鶯初學囀尚羞簧  
分明不得同君賞  
盡日傾心羨索郎

元達上人年逾八十好種名藥

雨滌煙鋤偃破籬  
紺芽紅甲兩三畦  
藥名却笑桐君少  
年紀翻嫌竹祖低  
白石淨敲蒸木火  
清泉閒洗種花泥  
怪來昨日休持鉢  
一尺離胡似掌齊

香蔓蒙籠覆昔邪  
檜烟杉露濕袈裟  
石盆換水撈松葉  
竹徑遷牀避笋芽  
藜杖移時挑細藥  
銅餅盡日灌

幽花支公謾道憐  
神駿不及今朝種  
一麻

過雲居寺玄福上人舊居

重到雲居獨悄然  
隔牕窺影尚疑禪  
不逢野老來聽法  
猶見鄰僧為引泉  
龕上已生新石耳  
壁間空帶舊茶烟  
南宗子弟時時到  
立把山花奠几筵

西塞山泊漁家

白綸巾下髮如絲  
靜倚楓根坐釣磯  
中婦桑村挑葉去  
少兒沙市買蓑歸  
雨來蓴菜流船滑  
春後鱸魚墜釣肥  
西塞山前終日客  
隔波相羨盡依依

襄州春遊



信馬騰騰觸處行春風相引與詩情等閒遇事成歌  
詠取次衝筵隱姓名映竹認人多錯誤透花窺鳥最  
分明岑牟單絞何曾着莫道猖狂似禰衡

寄題羅浮軒轅先生所居

亂峯四百三十二欲問徵君何處尋紅翠數聲瑤室  
響真檀一炷石樓溪山都遣負沽來酒樵客容看去  
後金從此謁師知不遠求官先有葛洪心

屣步訪魯望不遇

雪晴墟里竹敲斜蠟屐徐吟到陸家荒徑掃稀唯柏  
子破扉開澀染苔花壁間定欲圖雙檜廚靜空如飯

一麻擬受太玄今不遇可憐遺恨似庾芭

開元寺早景卽事

客省蕭條柿葉紅樓臺如畫倚霜空銅池數滴桂上  
雨金鐸一聲松杪風鶴靜時來珠像側鴿馴多在寶  
幡中如今塵外虛爲契不得支公此會同

以紫石硯寄魯望

樣如金蹙少能輕微潤將融紫玉英石墨一研爲鳳  
尾寒泉半勺是龍睛騷人白芷傷心暗狎客紅筵奪  
眼明兩地有期皆好用不須空把洗溪聲

聞開元寺筍園寄莫上人



園鎖開聲駭鹿羣滿林解釋水犀文森森竟泫林梢  
雨攬攬爭穿石上雲並出亦如鵝管合各生還似犬  
牙分折煙束露如相遺何胤明朝不茹葷

奉和魯望新夏東郊間泛有懷

水物輕明淡似秋多情才子倚蘭舟碧蓑裳下携詩  
草黃篋樓中挂酒籥蓮葉蘸波初轉棹魚兒簇餌未  
諳鉤共君莫問當年事一點沙鷗勝五侯

奉和龜蒙四月十五日道室書事

望朝齋戒是尋常盡啓金根第幾章竹葉飲爲甘露  
色蓮花鮓作肉芝香松膏背雨凝雲磴丹粉經年染

石床剩欲與君終此志頑仙惟恐鬢成霜

次韻看壓新醅

一簣松花細有聲旋將渠椀撇寒清秦吳只恐芻來  
近劉項真應釀得平酒德有神多客頌醉鄉無貨沒  
人爭江湖煙水郎山月合向樽前問姓名

次韻魯望以竹夾藤見寄

圓於玉筍滑於龍來自衡陽彩翠中拂潤恐飛清夏  
雨叩虛疑貯碧湘風大空書客裁成簡頗勝溪翁截  
作筒從此角巾因爾戴俗人相訪若爲通

夏景無事因懷章來二上人



澹景微陰正送梅幽人逃暑瘦南杯水花移得和魚  
子山蔽收時帶竹胎嘯館大都偏得月醉鄉終竟不  
聞雷更無一事惟留客却被高僧怕不來

秋晚自洞庭湖別業寄穆秀才

破村牢落過重陽獨自櫻茅葺草房風捲紅蕉仍換  
葉雨淋黃菊不成香野猿偷栗重窺戶落鴈疑人更  
遶塘他日若修耆舊傳爲予添取此書堂

公子家

李山甫

曾是皇家幾世侯入雲高第照神州柳遮門戶橫金  
鎖花擁絃歌咽畫樓錦袖妒姬爭巧笑玉銜驕馬索

閒遊麻衣欲獻平生業醉倚春風不點頭

柳底花陰壓路塵瑞烟輕罩一園春鴛鴦占水能嗔  
客鸚鵡嫌籠解罵人騾褭似龍隨日換輕盈如燕逐  
年新不知盡買長安笑活得蒼生幾戶貧

方干隱居

咬咬嘎嘎水禽聲露洗松陰滿院清溪畔印沙多鶴  
跡檻前題竹有僧名問人遠出千重意對客閑雲一  
片情早晚塵埃得休去且將書劔事先生

寒食

柳礙東風一向斜春陰澹澹野人家有時三點兩點

詩宗

西集

五



言宗 西集  
雨到處十枝五枝花萬井樓臺疑繡畫九原松柏似  
煙霞年年今日誰相問獨臥長安泣歲華

寓懷

萬古交馳一片塵忠量名利孰如身長疑好事皆虛  
事却恐閑人是貴人老逐少來終不放辱隨榮後定  
須勻勸君莫謾誇頭角夢裏輸贏總未真

上元懷古○上元金陵縣名

南朝天子愛風流盡守江山不到頭總為戰爭收拾  
得却因歌舞破除休堯將道德終無敵秦把金湯可  
自由試問繁華何處在雨苔烟草石城秋

兵後尋邊

千里烟沙盡日昏戰餘燒罷閉重門新成劔戟皆農  
器舊着衣裳盡血痕捲地朔風吹白骨挂天青氣泣  
幽魂自憐長策無人問羞戴儒冠傷塞垣

寒食山館

來鵬

獨把一盃山館中每驚時節恨飄蓬侵階草色連朝  
雨滿地梨花昨夜風蜀魄啼來春寂寞楚魂吟去月  
朦朧分明記得還家夢徐孺宅前湖水東

病起

春初一臥到秋淡不見紅芳與綠陰窓下展書難久



讀池邊扶杖欲閒吟  
藕穿平地生荷葉  
笋過東家作竹林  
在舍渾如遠鄉客  
詩僧酒伴鎮相尋

清明日與友人遊玉塘莊

幾度春山共陸郎  
清明時節好風光  
細穿綠荇船頭滑  
碎踏殘花屐齒香  
風急嶺雲飄迥野  
雨餘田水落芳塘  
不堪吟罷東回首  
滿耳蛙聲正夕陽

車遙遙○古樂府曲名

胡曾

自從車馬出門朝  
僂入空房守寂寥  
玉枕夜寒魚信斷  
金鈿秋盡鴈書遙  
臉邊楚雨臨風落  
頭上秦雲向日消  
芳草又衰還不至  
碧天霜冷轉無憀

自嶺下泛鷁到清遠峽

乘船浮鷁下韶水  
絕境方知在嶺南  
蘿薜雨餘山似黛  
蒹葭烟盡島如藍  
朝遊蕭帝新松寺  
夜宿嫦娥舊桂潭  
不爲篋中書未報  
僂來此地結茅菴

河中鶴雀樓

張喬

高樓懷古動悲歌  
鶴雀今無野雀過  
樹隔五陵秋色早  
水連三晉夕陽多  
漁人遺火成寒燒  
牧笛吹風起夜波  
十載重來值搖落  
天涯歸計欲如何

哭李端

周朴

三年剪拂感知音  
哭向青山永夜心  
竹在曉煙孤鳳

詩宗

卷八

七



去劍荒秋水一龍沉新墳日落松聲小舊宅春殘草  
色深不及此時親執紼石門遙想淚沾襟

長陵

唐彥謙

長陵高闕此安劉附葬纍纍盡列侯豐上舊居無故  
里沛中原廟對荒丘耳聞明主提三尺眼見愚民盜  
一抔千載腐儒騎瘦馬渭城斜日重回頭

蒲津河亭

宿雨清秋霽景澄廣亭高樹向晨興烟橫博望乘槎  
水日上文王避雨陵孤棹夷猶期獨往曲闌愁絕每  
長凭患鄉懷古多傷別况此哀吟意不勝

新豐

沛中歌舞百餘人帝業功成里巷新半夜素靈先哭  
楚一星遺火下燒秦貔貅掃盡無三戶雞犬歸來識  
四鄰惆悵故園前事遠曉風長路起埃塵

經古觀有感

李中

古觀寥寥枕碧溪偶思前事立殘暉漆園化蝶名空  
在柱史猶龍去不歸丹井泉枯苔鎖合醮壇松老鶴  
來稀回頭因歎浮生事夢裏光陰疾若飛

和王昭符進士贈洞庭趙先生

高駢

爲愛君山景最靈角冠秋禮一壇星藥將雞犬雲間

詩宗

西集

八



詩集  
試琴許魚龍月下聽自要乘風隨羽客誰同種玉驗  
仙經烟霞澹泊無人到唯有漁翁過洞庭

依韻奉酬李迪

柳下官資顏子居閒情入骨若爲除詩成斬將奇難  
敵酒熟封侯慢未如只見絲綸終日降不知功業是  
誰書而今共飲醇滋味消得挪揄勢利疎

遣興

浮世忙忙蟻子羣莫嗔頭上雪紛紛沈憂萬種與千  
種行樂十分無一分越外險巖防俗事就中拘檢信  
人文醉鄉日月終須覓去作先生號白雲

酬張芬赦後見寄○或作司空曙詩

司空圖

紫鳳朝銜五色書陽春忽布網羅除已將心變寒灰  
後豈料光生腐草餘建水風煙收客淚杜陵花竹夢  
郊居勞君故有詩相贈欲報瓊瑤愧不如

書懷

病來猶強引雛行力上東原欲試耕幾處馬嘶春麥  
長一川人喜雪峯晴閑知有味心雖肯道貴謀安迹  
易平陶令若能兼不飲無絃琴亦是沽名

退棲

詩宗

西集



宦遊蕭索為無能移住中條最上層得劍乍如添健  
僕亾書久似失良朋燕昭不是空憐馬支遁何妨亦  
愛鷹自致此身繩檢外肯教世路日兢兢

五十

閑身事少只題詩五十今來覺陡衰清秩偶叨非養  
望丹方頻試更堪疑鬚鬢強染三分折絃管遙聽一  
半悲漉酒有巾無黍釀負他黃菊滿東籬

新歲對寫真

得見明時下壽身須甘歲酒更移巡生情暗結千重  
恨寒勢常欺一半春文武輕銷丹竈火市朝偏貴黑

頭人自傷衰颯慵開鏡擬與兒童別寫真

華下

籜冠新戴步池塘逸韻偏空夏景長扶起綠荷承早  
露驚迴白鳥入殘陽久無書去干時貴時有僧來自  
故鄉不用名山訪真設退休便是養生方

漢武帝思李夫人

宋 邕

按以下一十首出曹唐集中他集亦然鼓吹  
獨作宋邕詩想必有據

惆悵朱顏不復歸晚秋黃葉滿天飛迎風細苻傳香  
粉隔水殘霞見畫衣白玉帳寒鴛夢絕紫陽宮遠鴈



詩宗 不西集  
書稀夜淡池上蘭橈歌斷續歌聲接太微

劉晨阮肇遊天台

樹入天台石路新雲和草靜迴無塵烟霞不省生前  
事木木空疑夢後身往往雞鳴巖下月時時犬吠洞  
中春不知此地歸何處須就桃源問主人

劉阮洞中遇仙人

天和樹色靄蒼蒼霞重嵐深路渺茫雲竇滿山無鳥  
雀水聲沿澗有笙簧碧沙洞裏乾坤別紅樹枝邊日  
月長願得花間有人出免令仙犬吠劉郎

仙子送劉阮出洞

殷勤相送出天台仙境那能却再來雲液既歸須強  
飲玉書無事莫頻開花當洞口應常在水到人間定  
不迴惆悵溪頭從此別碧山明月照蒼苔

仙子洞中有懷劉阮

不將清瑟理霓裳塵夢那知鶴夢長洞裏有天春寂  
寂人間無路月茫茫玉沙瑤草連溪碧流水桃花滿  
壩香曉露風燈易零落此生無處問劉郎

劉阮再到天台不復見仙子

再到天台訪玉真青苔白石已成塵笙歌寂寞閒溪  
洞雲鶴蕭條絕舊鄰草樹總非前度色煙霞不似往



年春桃花流水依然在，不見當時勸酒人。

玉女杜蘭香下嫁於張碩

天上人間兩渺茫，不知誰是杜蘭香。  
來經玉樹三山遠，去隔銀河一水長。  
怨入清塵愁錦瑟，酒傾玄露醉瑤觴。  
遺情更說何珍重，劈破雲鬟金鳳凰。

張碩重寄杜蘭香

碧落香銷蘭露秋，星河無夢夜悠悠。  
靈妃不降三清駕，僊鶴空成萬古愁。  
皓月隔花追嘆別，飛煙籠樹省淹留。  
人間何事堪惆悵，海色西風十二樓。

織女懷牽牛

北斗佳人雙淚流，眼穿腸斷爲牽牛。  
封題錦字凝新思，拋擲金梭織舊愁。  
桂樹三天烟漠漠，銀河一帶水悠悠。  
欲將心向仙郎說，借問榆花早晚秋。

皇初平將入金華山

莫道真遊烟景賒，瀟湘有路入金華。  
溪頭鶴樹春常在，洞口人間日易斜。  
一水暗迴閒繞澗，五雲長往不還家。  
白羊成隊難收拾，喫盡溪邊巨勝花。

金陵夜泊

羅隱

冷煙輕靄倚衰藜，此日秦淮駐斷篷。  
樓鳥遠驚行夜火，乳鴉高避落帆風。  
地消王氣波聲急，山帶秋陰樹



詩宗 西集  
影空六代精靈人不見懷忠應在月明中

東歸途中作

松橘蒼黃覆釣磯早年生計近年違老知風月終堪  
恨貧覺家山不易歸別岸客帆和鴈落晚程霜葉向  
人飛買臣嚴助精靈在應笑無成一布衣

燕昭王墓

戰國蒼茫難重尋此中蹤跡想知音強停別騎山花  
晚欲弔遺魂野草深浮世近來輕駿骨高臺何處有  
黃金因忠郭隗平生事不殉昭王若負心

登夏州城樓

塞城獵獵成旗風獨倚欄干悵望中萬里山川唐土  
地千季魂魄漢英雄離心不忍聽邊馬往事應須問  
塞鴻好脫儒冠從校尉一枝長戟六鈞弓

籌筆驛

拋擲南鄉為主憂北征東討盡良籌時來天地皆同  
力運去英雄不自由千里山河輕孺子兩朝冠劍恨  
譙周惟餘巖下多情木猶解年年傍驛流

題潤州妙善寺前石羊

紫髯桑蓋此沉吟狼石猶存事可尋漢鼎未安聊把  
手楚醪雖滿肯同心英雄已往時難問苔蘚何知日



漸淡還有市塵沾酒客雀喧鳩聚話蹄涔

曲江春感

江頭日暖花正開江東行客心悠哉高陽酒徒半凋  
落終南山色空崔嵬聖代也知無棄物侯門未必用  
非才滿船明月一竿竹家在五湖歸去來

黃河

莫把阿膠向此明此中天意固難明解通銀漢應須  
曲纜出崑崙便不清高祖誓功衣帶小仙人占斗客  
槎輕三千年後知誰在何必勞君報太平

廣陵開元寺閣上作

滿檻山川漾落暉檻前前事去如飛空中雞犬劉安  
過月下笙簫煬帝歸江蹙海門帆散出地吞淮口樹  
相依紅樓翠幕知多少長向東風有是非

水邊偶題

野水無情去不回水前花好為誰開只知事逐眼前  
去不覺老從頭上來窮似丘軻休嘆息達如周名亦  
塵埃思量此理何人會家邑先生最有才

牡丹

似共東風別有因絳羅高捲不勝春若教解語應傾  
國任是無情也動人芍藥與君為近侍芙蓉何處避

詩宗

百集



芳塵可憐韓令功成後辜負穠華過一身

春日遊禪智寺

遠樹連天水接空幾年行樂舊隋宮  
花開花謝長如此人去人來自不同  
楚鳳調高何處酒吳牛蹄健滿車風  
忠量只合騰騰醉煮海平陳盡夢中

寄竇尚書

往年西謁謝玄暉尊酒留連醉始歸  
曲檻柳濃鶯未老小園花暖蝶初飛  
噴香瑞獸金三尺舞雪佳人玉一圍  
今日亂離尋不得滿蓑風雨釣魚磯

春中湘中題岳麓寺僧舍

蟾宮虎穴兩皆休來凭危欄送遠遊  
多事林鶯還謾語薄情邊鴈不回頭  
春融只待乾坤醉水闊深知世界浮  
欲共高僧話心事野花芳草奈相尤

題張逸人所居

蒲梢健健燕差差數里溪光日落時  
芳樹文君機上錦遠山孫壽鏡中眉  
雞牕夜靜開書卷魚檻春深展釣絲  
若使浮名拘絆得世間何處有男兒

秋日懷江上友人

羅 鄴

行子寧知煙水勞西風獨自泛征艘  
酒醒孤館秋簾卷月滿寒江夜笛高  
黃葉夢餘歸朔塞青山家在極

詩宗

八百里



波濤去季今日逢君處鴈下蘆花猿正號

送張逸人

自說歸山人事賒素琴丹竈是生涯牀頭殘藥鼠偷  
盡溪上破門風擺斜石井晴垂青葛葉竹籬荒映白  
茅花遙知此去應稀出獨臥晴窻夢曉霞

洛水

一道潺湲淺暖莎年年惆悵是春過莫言行路聽如  
此流入深宮恨更多橋畔月來清見底柳邊風去綠  
生波縱然兩眼添歸思未把漁竿奈爾何

下第書呈友人

清世誰能復陸沉相逢休作憶山吟若教仙桂在平  
地更有何人肯苦心去國漢妃還似玉亾家石氏豈  
無金且安懷抱莫惆悵瑤瑟調高罇酒淡

僕射陂晚望○或作錢起詩

離人到此倍堪傷陂水蘆花似故鄉身事未知何日  
了馬蹄唯覺到秋忙田園牢落東歸晚道路辛勤北  
去長却羨無愁是沙鳥雙雙相趁下殘陽

春晚岳陽言懷

崔魯

烟花零落過清明異國光陰老客情雲夢夕陽愁裏  
色洞庭春浪坐來聲天涯一與舊山別江上幾看芳



草生獨倚闌干意難寫暮茄嗚咽起孤城

春日長安卽事

一百五日又欲來梨花梅花參差開行人自笑不歸  
去瘦馬獨吟真可哀杏酪漸開鄰舍粥榆烟將變舊  
爐灰畫樓春暖笙歌夜肯信愁腸日九迴

岸梅

含情含態一枝枝斜壓漁家短短籬惹袖尚憐香半  
日向人如訴雨多時初開偏稱離梁畫未落先愁玉  
笛吹行客見來無去意解帆煙浦爲題詩

過蠻溪渡

綠楊如髮雨如煙立馬危橋獨喚船山口斷雲迷舊  
路渡頭荒草憶前身隨遠道徒悲梗詩賣明時不  
直錢歸去楚臺還有計釣船春雨日高眠

過繡嶺宮

崔塗

古殿春殘綠野陰上皇曾此駐泥金三城帳屬昇平  
夢一曲鈴關悵望心苑路暗迷香輦絕繚垣秋斷草  
烟淡前朝舊物東流在猶爲年年下翠岑

赤壁懷古

漢室河山鼎勢分勤王誰肯顧元勳不知征伐由天  
子唯許英雄共使君江上戰餘陵是谷渡頭春在草



連雲分明勝敗無尋處空聽漁歌到夕曛

春夕旅次

水流花謝兩無情送盡春風過楚城胡蝶夢中家萬  
里子規枝上月三更故園書動經年絕華髮春唯滿  
鏡生自是不歸歸便得五湖煙景有誰爭

鸚鵡洲眺望

悵望春襟鬱未開重臨鸚鵡益堪哀曹瞞尚不能容  
物黃祖何曾解愛才幽島暖聞燕鴈去曉江晴覺蜀  
波來誰人正得風濤便一點征帆萬里迴

送金可紀歸新羅

章孝標

登唐科第語唐音望日初生憶故林鮫室夜眠陰火  
冷蜃樓朝泊曉霞深風高一葉飛魚背湖淨三山出  
海心想把文章合夷樂蟠桃花裏醉人參

鷓鴣

鄭谷

暖戲煙蕪錦翼齊品流應得近山雞雨昏青草湖邊  
過花落黃陵廟裏啼遊子乍聞征袖溼佳人纔唱翠  
眉低相呼相喚湘江曲苦竹叢深春日西

少華甘露寺

石門蘿徑與天親雨檜風篁遠近聞飲澗鹿喧雙派  
水上樓僧踏一梯雲孤烟薄暮關城沒遠色初晴渭



曲分長欲燃燈來此宿北林猿鶴舊同羣

峽中嘗茶

簇簇新英摘露光小江園裏火煎嘗  
吳僧謾說鴉山好蜀客休誇鳥觜香  
入座半鷗輕泛綠開緘數片淺  
含黃鹿門病客不歸去酒渴更知春味長

中年

漠漠秦雲淡淡天新年景象入中年  
情多最恨花無語愁破方知酒有權  
苔色滿牆思故第雨聲入夜憶  
春田衰遲自喜添詩學更把前題改數聯

慈恩偶題

往事悠悠成浩歎浮生擾擾竟何能  
故山歲晚不歸去高塔晴來獨自登  
林下聽經秋苑鹿溪邊掃葉夕陽僧  
唵餘却起雙峯念曾看菴西瀑布冰

石城

石城昔為莫愁鄉莫愁魂散石城荒  
江人依舊棹舫艤江岸還是飛鴛鴦  
帆去帆來風浩渺花開花謝春悲涼  
烟濃草遠望不盡千古漢陽閒夕陽

海棠

春風用意勻顏色銷得携壺與賦詩  
豔麗最宜新着雨嬌嬈全在欲開時  
莫愁粉黛臨窻嬾須信丹青點



言宗 不西集  
筆遲朝醉暮吟看不足羨他胡蝶宿淡枝

燕

年去年來來去忙春寒烟暝度瀟湘低飛綠岸和梅  
雨亂入紅樓棟杏梁閑几硯中窺水淺落花徑裏得  
泥香千言萬語無人會又逐流鶯過短牆

南海旅次

曹松

憶歸休上越王臺歸思臨高不易裁爲客正當無鴈  
處故園誰道有書來城頭早角吹霜盡郭外殘潮帶  
月迴心似百花開未得年年爭發被春催

陪湖南李中丞璋宴隱溪

竹林啼鳥不知休羅列飛橋水亂流觸散柳絲迴玉  
勒約開蓮葉上蘭舟酒邊舊侶真何遜雲裏新聲是  
莫愁若值主人嫌晝短應陪秉燭夜深遊

金橋感事

吳融

太行和雪疊晴空二月郊原尚朔風飲馬早聞臨渭  
北射鵰今欲過關東百季徒有伊川嘆五利寧無魏  
絳功日暮長亭政愁絕悲笳一曲戍烟中

彭門用兵後經汴路

隋隄風物已淒涼隄下仍多舊戰場金鏃有苔人拾  
得蘆衣無土鳥銜將秋聲暗促河聲急野色遙連日

詩宗

不西集



言宗  
色黃獨上寒城憂愁絕戍鰲驚起鴈行行

廢宅

風飄碧瓦雨摧垣却有鄰人爲鎖門幾樹好花閑白  
晝滿庭芳草易黃昏放魚池涸蛙爭聚棲燕梁空雀  
自喧不獨淒涼眼前事咸陽一火便成原

過九成宮

鳳輦東歸二百年九成宮殿半荒阡魏公碑字封蒼  
蘚唐帝泉聲落野田碧草新沾仙掌露綠楊猶憶御  
爐煙升平舊事無人說萬疊青山但一川

富春

水送山迎入富春一川如畫晚晴新雲低遠渡帆來  
重潮落寒沙鳥下頻未必柳間無謝客也應花裏有  
秦人嚴光萬古清風在不敢停橈更問津

武關

時來時去若循環雙闔平雲謾鎖山祇教地將秦設  
險不知天與漢爲關貪生莫作千年計到了都成一  
夢間爭得便如巖下水從他興廢自潺潺

次韻和王員外雜遊四韻

一分難減亦難加得自溪頭浣越紗兩槩慣邀催去  
艇七香曾占取來車黃昏忽墮當樓月清曉休開滿



言宗 六西集  
鏡花誰見玉郎腸斷處露床風簟半敲斜

書懷

傍巖依樹結檐楹景物蕭疎夏夏清灘響忽高何處  
雨松陰自轉此山晴見多鄰犬遙相認來慣幽禽近  
不驚爭敢便誇饒勝事九衢塵裏免勞生

閒望

三點五點映山雨一枝兩枝臨水花蛺蝶狂飛掠芳  
草鴛鴦熟睡曉暖沙闕下新居非已業江南舊業是  
誰家東還西去都無計卻羨暝歸林上鴉

卽事

抵鵲山前寄掩扉便堪終老脫朝衣曉窺青鏡千峯  
入暮倚長松獨鶴歸雲裏引來泉脈細雨中移得藥  
苗肥何須一筋鱸魚膾始挂孤颿問釣磯

紅樹

一聲南鴈已先紅槭槭淒淒葉葉同自是孤根非暖  
地莫驚他木耐秋風曉煙散去陰全薄明月臨來影  
半空長憶洞庭千萬樹照山橫浦夕陽中

春歸次金陵

春陰漠漠覆江城南國歸橈趁晚程水上驛流初過  
雨樹籠堤去不離鶯跡疎冠蓋兼無夢地近鄉園自



有情更被東風動，離思楊花千里雪中行。

還俗尼○本歌妓

柳眉梅額倩粧新，笑脫袈裟得舊身。三峽却爲行雨客，九天曾是散花人。空門付與悠悠夢，寶帳迎迴暗暗春。寄語江南除老客，一生長短託清塵。

避地寒食

韓偓

避地淹留已自悲，况逢寒食欲沾衣。殘春孤館人愁坐，斜日空園花亂飛。路遠漸憂知己少，時危又與賞心違。一名所繫無窮事，爭敢當季便息機。

春盡

惜春連日醉昏昏，醒後衣裳見酒痕。細水浮花歸別壑，斷雲含雨入孤村。人間易得芳時恨，地迴難招白古魂。慚愧流鶯相厚意，清晨猶爲到西園。

中秋禁直

星斗疎明禁漏殘，紫泥封後獨凭欄。露和玉屑金盤冷，月射珠光貝闕寒。天襯樓臺籠苑外，風吹歌管下雲端。長卿祇爲長門賦，未識君臣際會難。

六月十七日名對自辰及申方歸本院

清暑簾開散異香，恩深咫尺對龍章。花應洞裏常時發，日向壺中特地長。坐久忽疑槎犯斗，歸來兼恐海



生桑如今冷笑東方朔唯用談諧侍漢皇

偶見

千金莫惜蓮生一笑從教下蔡傾仙樹有花難問  
種御香聞氣不知名愁來自覺歌喉咽瘦去誰憐舞  
掌輕小墨紅牋書恨字與奴方便送卿卿

席上有贈

矜嚴標格絕嫌猜嗔怒難逢笑靨開小鴈斜侵眉柳  
去媚霞橫接眼波來鬢垂香頸雲遮藕粉着蘭曾雪  
壓梅莫道風流無宋玉好將心力事妝臺

殘春旅舍

旅舍殘春宿雨晴恍然心地憶咸京樹頭蜂抱花鬚  
落池面魚吹柳絮行禪伏詩魔歸淨域酒衝愁陣出  
奇兵兩梁免被塵埃汙拂拭朝簪待眼明

冬至夜作○天復二年隨駕鳳翔

中宵忽見動葭灰料得南枝有早梅四野僂應枯草  
綠九重先覺凍雲開陰冰莫向河源塞陽氣今從地  
底回不道慘舒無定分却憂蚊響又成雷

故都○為昭宗作

故都遙想草萋萋上帝淡凝亦自迷塞鴈已侵池籞  
宿宮鴉猶戀女牆啼天涯烈士空垂涕地下強魂必



言宗 不西集  
噬臍掩鼻計成終不覺馮驩無路效鳴雞

途中經野塘

世亂他鄉見落梅野塘晴暖欲徘徊船衝水鳥飛還  
上袖拂楊花去又來季重舊遊多喪逝子山新賦極  
悲哀眼看朝市為陵谷始信昆明有劫灰

惜花

皺白離情高處切膩紅愁態靜中淡眼隨片片沿流  
去恨滿枝枝被雨侵總得苔遮猶慰意便教泥污更  
傷心臨堦一盞悲春酒明日池塘是綠陰

贈隱逸

靜隱須教隱者尋清狂何必在山陰蜂彈窓紙塵侵  
硯鳥鬪庭花露滴琴莫笑亂離方解印猶勝顛蹶未  
抽簪築金誘得非名士况是無人解築金

秋郊閑望有感

楓葉微紅近有霜碧雲秋色滿吳鄉魚衝駭浪雪鱗  
健鴨閃殘陽金背光心為感恩長慘慼鬢因經亂早  
蒼浪可憐廣武山前事楚漢寧教作戰場

安貧

手風慵展八行書眼暗休尋九局圖窻裏日光飛野  
馬按頭筠管長蒲蘆謀身拙為安蛇足報國危曾將



言完 不西集  
虎鬚舉世可能無默識未知誰復試齊筭

贈僧

盡說歸山避世塵幾人終肯別囂氛  
餅添澗水盛將月杓挂松枝惹得雲  
三接舊承前席遇一靈今用戒香薰  
相逢莫話金鑿事觸撥傷心不忍聞

玩水禽

兩兩珍禽渺渺溪翠矜紅掌淨無泥  
向陽眠處莎成毯踏水飛時浪作梯  
依倚雕梁輕社燕抑揚金距笑晨雞  
勸君細認漁翁意莫遣組羅悞穩棲

鵲

偏承雨露潤毛衣黑白分明衆所知  
高處營巢親鳳閣靜時聞語上龍墀  
化爲金印新祥瑞飛向銀河舊路歧  
莫怪天涯栖不穩託身須是萬年枝

秋村

稻壟蓼紅溝水清荻園葉白秋日明  
空陂路細見騎過遠田人靜聞水行  
柴門狼藉牛羊氣竹塢幽淡雞犬聲  
絕粒看山香一炷心知無事即長生

惜春

願言未偶非高臥多病無心選勝遊  
一夜雨聲三月盡萬般人事五更頭  
年踰弱冠即爲老節過清明却

詩宗

不西集



似秋應是西園花已落滿溪紅片向東流

袅娜

袅娜腰肢淡薄粧六朝宮樣窄衣裳著詞暫見櫻桃  
破飛盞還聞荳蔻香春惱情懷身覺瘦酒添顏色面  
生光此時不敢分明道風月應知暗斷腸

北原閒眺

韋莊

春城回首樹重重立馬平原夕照中五鳳灰殘金翠  
滅六龍游去市朝空千年王氣浮清洛萬古坤靈鎮  
碧嵩欲問向來陵谷事野桃無語淚花紅

柳谷道中作却寄

馬前紅葉正紛紛馬上離情欲斷魂曉發獨辭殘月  
店暮程遙宿隔雲村心如岳色畱秦地夢逐河聲出  
禹門莫怪苦吟鞭拂地有誰傾蓋待王孫

嫠女屏居蒙右丞王拾遺枉車降訪病中延款  
不得因成寄謝

三年流落臥漳濱王粲忠家拭淚頻寒角莫吹殘月  
夜病心方憶故園春自爲江上樵蘇客不識天邊侍  
從臣怪得白鷗驚去盡綠蘿門外有朱輪

憶昔

昔年曾向五陵遊午夜清歌月滿樓銀燭樹前長似



書露桃花下不知秋西園公子名無忌南國佳人字  
莫愁今日亂離俱是夢夕陽惟見水東流

咸陽懷古

城邊人倚夕陽樓城上雲凝萬古愁山色不知秦苑  
廢水聲空傍漢宮流李斯未向倉中悟徐福應無物  
外遊莫怪楚吟偏斷骨野煙蹤迹似東周

汧陽縣閣

汧水悠悠去似緝遠山如畫翠眉橫僧尋野渡歸吳  
嶽鴈帶殘陽入渭城邊靜不收蕃帳馬地貧惟賣隴  
山鸚牧童何處吹羌笛一曲梅花出塞聲

嘆落花

一夜霏微露溼烟曉來和淚喪嬋娟不隨殘雪埋芳  
草又逐春風上舞筵西子去時遺笑靨謝娥行處落  
金鈿飄紅墮白堪惆悵少別穠華又一年

思歸

暖絲無力自悠揚牽別春風斷客腸外地見花終寂  
寞異鄉聞樂剩悲涼紅垂野岸櫻還熟綠染回汀草  
又芳舊里若爲歸去好子期凋謝呂安亡

謁巫山廟

亂猿啼處望高唐路入煙霞草木香山色未能忘宋



言  
西  
集  
玉水聲猶似哭襄王朝朝暮暮陽臺下爲雨爲雲楚  
國亾惆悵廟前多少柳春來空闌畫眉長

漢州

北儂初到漢州城郭邑樓臺觸目驚松樹影中旌旆  
色芰荷風裏管絃聲人心不似經離亂時運還應卻  
太平十日醉眠金鴈驛臨歧無限臉波橫

長安清明

早是傷春夢雨天可堪芳草正芊芊內官初賜清明  
火上相聞分白紙錢紫陌亂嘶紅叱撥綠楊高映畫  
鞦韆遊人記得升平事暗喜風光似昔年

西塞山下作

西塞山前水似藍亂雲飛絮滿澄潭孤峯漸映溢城  
北片月斜生夢澤南爨動曉煙烹紫鰕露和香蒂摘  
黃柑他年却棹扁舟去終傍蘆花結一菴

贈九江太守

張 嬪

江頭暫駐木蘭船漁父來誇太守賢二邑旋添新戶  
口四營漸廢舊戈鋌笙歌不似經荒後禮樂猶如未  
戰前昨日西亭從遊騎信旗風裏說詩篇

洗竹

王貞白

道院竹繁教略洗鳴琴酌酒看扶疎不圖結實來雙



鳳且要長竿釣巨魚錦繡裁冠添散逸玉芽修饌稱  
清虛有時記得三天事自向琅玕節下書

題華嚴寺木塔

張泌

六街晴色動秋光雨霽憑高只自傷一曲晚烟浮渭  
水半橋斜日照咸陽休將世路悲塵事莫指雲山認  
故鄉回首漢宮樓閣暮數聲鐘鼓自微茫

邊上

戍樓吹角起征鴻獵獵寒旌背晚風千里暮煙愁不  
盡一川秋草思無窮山河慘淡關城閉人物蕭條市  
井空只此旅魂招不得更堪回首夕陽中

晚次湘源縣

煙郭遙聞向晚雞水平舟靜浪聲齊高林帶雨楊梅  
熟曲岸籠雲謝豹啼二女廟荒汀樹老九疑山碧楚  
天低湘南自古多離怨莫動哀吟易慘悽

晚秋過洞庭

征帆高挂酒初酣暮景離情兩不堪千里晚霞雲夢  
北一州霜橘洞庭南溪風送雨過秋寺礪石驚瀧落  
夜潭莫把羈覓弔湘魄九疑愁絕鎖烟嵐

長安道中早行

客離孤館一燈殘牢落星河欲曙天雞唱未沉函谷



月鴈聲新度灞陵煙浮生已悟莊周夢壯志仍輸祖  
遜鞭何事悠悠策羸馬此中辛苦過流年

宿山驛

吳商浩

文戰何堪功未圖又驅羸馬指天衢露華凝夜渚蓮  
盡月彩滿輪山驛孤歧路辛勤終日有鄉關音信隔  
季無好乘范蠡扁舟興高挂一帆歸五湖

貴游

劉兼

綉衣公子宴池塘景融融萬卉芳珠翠照天春未  
老管絃臨水日初長風飄柳線金成穗雨洗梨花玉  
有香醉後不能離綺席擬憑青帝繫斜陽

自遣

未上亨衢獨醉吟賦成無處博黃金家人莫問張儀  
舌國士須知豫讓心照乘始堪沽善價陽春爭忍混  
凡音鯢鵬鱗翼途程在九萬風雲海浪深

長安書懷

秦韜玉

西風吹雨滴寒更鄉思撩人撥不平長有歸心懸馬  
首可堪無寐枕蛩聲嵐收楚岫和空碧秋染湘江到  
底清早晚心閒着蓑去橘香溪處釣舟橫

題刑部李郎中山亭

儂家雲水本相知每到高齋強展眉瘦竹彈烟遮板



閣卷荷擎雨出盆池笑唵山色同敲枕間背庭陰對  
覆碁不是主人多野興肯開青眼重漁師

貧女

蓬門未識綺羅香擬托良媒亦自傷誰愛風流高格  
調共憐時世儉梳妝敢將十指誇纖巧不把雙眉鬪  
畫長最恨年年壓金線為他人作嫁衣裳

春雪

雪重寒空思寂寥玉塵如糝滿春朝片纔着地輕輕  
陷力不禁風旋旋消惹砌任從香粉妒紫藜自學小  
梅嬌誰家醉捲珠簾看絃管堂淡暖易調

贈馬道士

李九齡

水共逍遙雲共孤混時言笑只佯愚經年但醉空城  
酒千里唯擔華嶽圖尋野鶴來空碧洞覓琴僧去渡  
重湖人間再見知何日乞取先生石轆轤

贈人

呂洞賓

羅浮道士誰同流草衣木食輕王侯世間甲子管不  
得壺裏乾坤只自由數着殘碁江月曉一聲長嘯海  
山秋飲餘回首話歸路遙指白雲天際頭

秋日寫居精舍書事

盧弼

葉滿苔階杵滿城此中多恨恨難平疎簷看織蠟蛸



詞一  
卷一  
網暗室愁聽蟋蟀聲醉臥欲拋羈客思夢歸唯動故  
鄉情覺來獨步長廊下半夜西風吹月明

塞下曲

沈彬

塞葉聲悲秋欲霜寒山數點下牛羊曠霞旅鴈隨疎  
雨向磧行人帶夕陽邊騎不來沙路失國恩深後海  
城荒胡兒向化新成長猶自千回問漢王

梅花寄所知

李建勳

一氣纔新物未知每慙青律與先吹雪霜迷素猶嫌  
早桃杏雖紅且後時雲鬢自黏飄處粉玉鞭誰指出  
牆枝老夫多病無風味只向樽前咏舊詩

惜花

淡淡西園日又垂一罇何忍負芳枝莫言風雨長相  
促直是晴明得幾時心破只愁鶯踐落眼穿惟怕客  
來遲年年使我成狂客腸斷紅牋幾首詩

贈非烟

趙象

珍重佳人惠好音綵箋花翰兩情淡薄如蟬翼誰供  
眼密似蠅頭未寫心疑是落花還碧洞又思輕雨滿  
幽襟百回消息千回夢裁作長謠寄綠琴

秋宿湘江遇雨○唐詩歸作洞庭湖譚用詩

譚用之



江上陰雲鎖夢魂江邊淡夜舞劉琨秋風萬里芙蓉  
國暮雨千家薜荔村鄉思不堪悲橘柚旅遊誰肯重  
王孫漁人相思不相問長笛一聲歸島門

別洛下一二知己

金鼎光輝照雪袍洛陽春夢憶波濤塵埃滿眼人情  
異風雨前程馬足勞接塞蛾眉通蜀險過山仙掌倚  
秦高別來無限幽求子應笑區區味六韜

感懷呈所知

十年流落賦歸鴻誰傍昏衢駕燭龍竹屋亂煙忠梓  
澤酒家疎雨夢臨邛千年別恨調琴懶一片季光覽

鏡慵早晚休歌白石爛放教歸去臥羣峯

贈索處士

不將桂子種諸天長得尋君水石邊玄豹夜寒和霧  
隱驪龍春暖抱珠眠山中宰相陶弘景洞裏真人葛  
稚川一度相思一惆悵水寒烟澹落花前

送友人歸青社

鷓鴣途程在碧天綵衣東去復何言三千賓客舊知  
已十二山河新故園吟看桂生溪月上醉聽鯤化海  
濤翻好期聖代重相見莫學袁生老竹軒

憶南中



碧江頭與白雲門別後秋霜點鬢根長記學禪青石  
寺最忠共醉落花村林間竹有湘妃淚窗外禽多杜  
宇魂未棹扁舟重回首采薇收橘不堪論

寄岐山林逢吉明府

岐山高與隴山連製錦無私服晏眠鸚鵡語中分百  
里鳳凰聲裏過三年秦無舊俗雲烟媚周有遺風父  
老賢莫役生靈種楊柳一枝攀折灞橋邊

山中春晚寄賈員外

不隨黃鶴起烟波應笑無成返薜蘿看盡好花春臥  
穩醉殘紅日夜吟多高添雅興松千尺暗養清音竹

數科珍重仙曹舊知己往來星騎一相過

河橋樓賦得羣公夜讌

芙蓉簾幕扇秋紅蠻府星郎夜讌同滿座馬融吹笛  
月一樓張翰過江風杯黏紫酒金螺重談轉瑠璫玉  
塵空淡荷良宵慰顛顛德星池館在江東

途次宿友人別墅

千里嶠函旅夢勞豈知雲館共蕭騷半簾綠透儂寒  
竹一榻紅侵墜晚桃蠻酒客稀知味長蜀琴風定覺  
絃高感君巖下閒招隱細縷金盤鱸錯刀

貽南康陳處士



言  
三  
白玉堆邊蔣逕橫空涵二十四灘聲老無征戰軒轅  
國貧有茅茨帝舜城丹鳳畫飛羣木冷一龍秋臥九  
江清時人莫笑非經濟還待中原致太平

渭城春晚

秦樹朦朧春色微香風煙暖樹依依邊城夜靜月初  
上芳草路長人未歸折柳且堪唸晚檻弄花何處醉  
殘暉釣鄉千里斷消息滿目碧雲空自飛

貽淨居寺新及第

秋池雲下白蓮香池上吟仙寄竹房間誦國風文字  
古靜消心火夢覺涼三春蓬島花無限八月銀河路

夏長此境空門不曾有從頭好語與醫王

江邊秋夕

千鍾紫酒薦菖蒲松島蘭舟激灑居曲內橘香江客  
笛字中嵐氣岳僧書吟期汗漫驅金虎生約丹青跨  
玉魚七色花虬一聲鶴幾時乘興上清虛

江館秋夕

耿耿銀河鴈半橫夢敲金碧轆轤輕滿窓謝練江風  
白一枕齊紈海月明楊柳敗梢飛葉響芰荷香柄折  
秋鳴誰人夏唱陽關曲牢落烟霞夢不成

津亭

胡宿



言  
津亭欲闕戒棠舟五兩風來不暫留西北雲浮連魏  
關東南日出背秦樓層城渺渺人傷別芳草萋萋客  
倦游平樂舊歡收不得更憑飛夢到瀛洲

古別

長道何年祖軼休風帆不斷岳陽樓佳人挾瑟漳河  
曉壯士悲歌易水秋九帳青油徒自貴百壺芳醕豈  
消憂至今長樂坡前水不啻秦人怨隴頭

寄昭潭王中立

高絃一弄武陵溪六幕天空萬里心吳苑歌驪成久  
別楚峯回鴈好歸音十千美酒花期隔三百枯棋奕

忠沉莫上孤城頻送目浮雲西北是家林

雪

屏翳驅雲結夜陰素花飄墜惡氛沉色欺曹國麻衣  
淺寒入荆王翠被淡天上明河銀作水海中仙樹玉  
爲林日高獨擁鸛裘臥誰乞長安取酒金

淮南發運趙邠州被貶歸關

天臺封詔紫泥馨馬首前瞻北斗城人在函關先望  
氣帝於京兆最知名一區東第趨晨近數刻西廂接  
晝榮正是兩宮裁化日百金雙璧拜虞卿

天街曉望

詩宗

西廂集



長樂才聞一叩鐘百官初謁未央宮金波穆穆沙堤  
月玉樹瑤瑤上苑風香重椒蘭橫結霧氣寒龍虎遠  
浮空嗟予索米無人問行避霜臺御史驄

淮南王

貪鑄金錢盜寫符何曾七國戒前車長生不待爐中  
藥鴻寶誰收篋裏書碧井牀空天影在小山人去桂  
叢疎雲中雞尤無消息麥秀漸漸徧故墟

次韻和朱况雨中之作

蒼野迷雲黯不歸遠風吹雨入巖扉石床潤極琴絃  
緩水閣寒多酒力微夕夢將成還滴滴春心欲斷正

霏霏憂花惜月長如此爭得東陽病骨肥

早夏

井轄投多思不禁密垂珠箔晝沈沈睡驚燕語頻移  
枕病起蛛絲半在琴雨徑亂花埋宿豔月軒修竹轉  
涼陰一春酒費知多少揆盡囊中換賦金

長卿

買賦金錢出後宮長卿文彩冠諸公梁園末至時名  
大蜀道前驅使節雄已託焦桐傳密意夏因殘札寄  
遺忠如何一諷神仙事却得飄雲起賦中

函谷關



詩宗 卷一百集  
天開函谷壯關中萬古驚塵向此空望氣竟能知老子棄繻何不識終童謾持白馬先生論未抵鳴雞下客功符命已歸如掌地一丸曾誤隗王東

洞靈觀納涼

秋波不動簟紋融松月惺惺透綺籠霜重井梧翻瘦碧雨回堦藥墮嫣紅彩鴛靜占銀塘水乳燕涼飛玉宇風林酒易消殘夢斷卻疑身在廣寒宮

送林學士知明州

綠綈膺檢出神州又拜東吳最上游腰下漢符分半虎手中庖刀欠全牛玳筵進酒吳歛曲碧沼觀魚越

鄂舟正是金華隆舊業羣仙相望在瀛洲

飲馬長城窟

陳標

日日風吹虜騎塵年年飲馬漢宮人千堆戰骨那知主萬里枯沙不辨春浴谷氣寒愁墜指斷崖冰滑恐傷神金鞍玉勒無顏色淚滿征衣怨暴秦

長安夜遊

袁不約

鳳城連夜九門通帝女皇妃出漢宮千乘寶車珠箔捲萬條銀燭碧紗籠歌聲緩過青樓月香氣潛來紫陌風長樂曉鐘歸騎後遺簪落翠滿街中

僻居訓友人

伍喬



僻居惟愛近林泉幽徑閑園任藪連向竹掩扉隨鶴  
息就溪安石學僧禪古琴帶月音聲正山果經霜氣  
味全多謝故交憐朴野隔雲時復寄佳篇

晚秋同何秀才溪上

閒步秋光思杳然荷藜因共過林煙期收野藥尋幽  
路欲採溪菱上小船雲吐晚陰藏霽宙柳含餘靄咽  
殘蟬倒尊盡日忘歸處山磬數聲敲暝天

秋鶯

李後主

殘鶯何事不知秋橫過幽林尚獨遊老舌百般傾耳  
聽深黃一點入烟流栖遲背世同悲魯瀏亮如笙碎

在綏莫更留連好歸去露華淒冷蓼花愁

病起題山舍壁

山舍初成病乍輕杖藜巾褐稱閒情爐開小火淡迴  
暖溝引新流幾曲聲暫約彭涓安朽質終期宗遠問  
無生誰能役役塵中累會合魚龍構強名

題周諫別業

釋皎然

隱身茗上欲如何不著青袍愛綠蘿柳巷任疎容馬  
入水籬從破許船過昂藏獨鶴閒心遠寂歷秋花野  
意多若訪禪齋遙可見竹牕書幌共煙波

山居示靈徹上人



言  
一  
清明路出山初暖行踏春蕪看茗歸乍削柳枝聊代  
札時窺雲影學裁衣身閒始覺墮名是心了方知苦  
行非物外寂中誰似我松聲草色共忘機

晚春尋桃源觀

武陵何處訪仙鄉古觀雲根路已荒細草擁壇人跡  
絕落花沉澗水流香山淡有雨寒猶在松老無風韻  
亦長全覺此身離俗境玄機亦可照迷方

題東蘭若

釋靈一

上人禪室路徘徊萬木清陰向日開寒竹影侵行道  
石天花香散誦經臺閒雲不繫從舒卷狎鳥無機任

往來更惜片陽談妙理歸時莫待暝鐘催

贈淮西賈兵馬使

釋清江

破虜功成百戰場天書新拜漢中郎映門旌旆春風  
起對客絃歌白日長階下鬪雞花乍發營南試馬柳  
初黃由來吳楚多同調感激逢君共異鄉

傷蔡處士

釋護國

篋中遺草是琅玕對此空令灑淚看三逕尚餘行迹  
在數螢猶是映書殘晨光不借泉門曉暝色惟添壠  
樹寒欲問皇天天更遠有才無命說應難

冬送鑿供奉歸蜀寧親

釋靈徹



言  
林間出定戀庭闈聖主恩深暫許歸雙樹欲辭金錫  
冷四花猶向玉堦飛梁山拂漢分清境蜀雪和烟戀  
翠微此去不須求綵服紫衣全勝老萊衣

張舍人南谿別業

釋法振

新田遶屋半春畊藜杖閑門引客行山翠自成微雨  
色谿花不隱亂泉聲漁家遣到堪留興公府懸知欲  
厭名入夜更空明月滿雙童喚出解吹笙

聖恩顧問獨遊月鐙閣直書應制 釋廣宣

禪居河畔無多地來往尋春物正華磴道上盤千畝  
竹闌干低數萬人家簷前施食來飛鳥林下行香踏

落花自解剎那知佛性不勞更喻幾塵沙

山居

釋貫休

自古浮華能幾幾逝波終日去滔滔漢王廢苑生秋  
草吳主荒宮入夜濤滿屋黃金機不息一頭白髮氣  
猶高豈知物外金仙子甘露天香滴毳袍

東亭茶燕

鮑君微

閒朝向曉出簾櫳茗燕東亭四望通遠眺城池山色  
裏俯聆絃管水聲中幽篁引沼新抽翠芳檜低檐欲  
吐紅坐久此中無限興更憐團扇起清風



詩宗西集卷二十







